

劉槎翁先生詩選卷之一

古樂府

門有車馬客

門有車馬客光彩一何都謂從天上来意氣傾萬夫
銀鞍耀流星丹轂夾華月白馬驕且馳浮雲透明滅
鳴鞘赴咸陽執戟趨承明二十事征戰三十成功名
出護塞上軍入典禁中直五侯與七貴調笑同出入
相如早還蜀季子終相秦如何衡門士抱膝長苦辛

結客少年場

結客少年場少年本同調肝膽各自懸持之以相照

我有百鍊劍五花驄不敢自愛惜拔劍贈馬期相從
憧七車馬都門道花發鳥啼風日好顏朱髮綠艷青
春第一成名須在早銅盤登壇軟血時白日青天聞
苦詞男兒賭命報知己莫遣衰老徒傷悲手持一樽
酒自唱馬上歌目光稜七髮上指年少無成將柰何

將進酒

高堂帝帳圍暖烟繁絃急管喧兩筵主人敬客奉觴
酒再拜客前百千壽玻璃鴨綠鵝乳黃紫檀夜壓松
花香吳姬窈窕解歌舞眉黛嬌春凝煖光古來豪傑
重然諾意氣相傾等山嶽腰間自有雙吳鉤換酒醉

君七莫愁

芳樹篇

芳樹好容華深七映狹斜二月三月時千枝萬枝花
夜舞留瓊珮春遊礙寶車折榮貽遠者含思獨咨嗟

少年行

乍出建章宮還過泗肆中聽歌留寶劍數鴈試雕弓
烟草一片綠風花千點紅馬驕嘶不住直驟渭城東

東方行

東方閃七啼早鴉美人愁眠隔窓紗桐華樹下人來
往銀床轉轆轤夢中響

鳳笙曲

洪水蕩八極丹霞標五城仙人從東來邀我吹鳳笙
鳳凰雙飛錦翼明三十六管排崢嶸長風卷入碧雲
裏仙仗忽擁千霓旌六龍騁駕若木晴仙樂杳奏天
中京雙成起舞韓衆聽此曲侶是升天行天門窈窕
九陞平聞有雲霧雷鼓相砰錡手招仙人馭竒氣乃
是山中龍虎精張公鍊丹金液成洞門石室餘秋聲
雲中仙駕如可待願逐盧敖遊太清

照鏡曲

蟠螭雙啣錦帶紅粧臺刻玉秋玲瓏綵雲忽開紫
馬

舞明月夜墮香奩中美人粧罷房櫳杳鸚鵡呼寒帳
中曉拍簇花迎咲靨開低飛黛綠秋娥小蒲庭桃李
各嬌春頰影含羞便惱人愁來獨掩雲屏宿手持寶
釵扣寒玉吳錦蜀粉暗消磨淚滿菱花柰別何不知
昨夜愁深淺但覺朝來華髮多

空城雀

空城雀鳴且飛一朝驅入羅網去雲天有路何時歸
空城雀飛且止林栖有匹巢有子分飛不知後生死
空城雀遭網羅塌翼垂頭憔悴多不能高飛將柰何

古離別

天蒼七地靡七東西相距幾萬里日月來往朝夕間
遊子一去何當還羅衣血淚紅班七芳塵掩鏡愁朱
顏昔時送別長安道幾見春風蕩芳草金鞍錦鞵不
可期紫燕黃鸝坐中老知君自有心賤妾空自憐一
束錦字書何能到君邊海中珊瑚泥底藕不見青天
終不朽

漂母吟

蛟龍失雲雨或與鰕鱗儔壯士偶窮困寄食何足羞
淮河之水東北流母心直為王孫憂黃金無光劍失
色白日又落城西頭請君置魚竿進此盤中脯丈夫

性命未可輕君獨胡為在塵土咸陽王氣如雲馳
上亦有呼兵兒風塵滿眼慎所之但願王孫無飢時

江南弄

江浦晴雲作水流鴛鴦哺雛花蒲頭沙堤十里寒溘
溘湘娥踏槳搖春愁菖蒲葉齊寶刀綠珮魚雙煎琪
花玉酸風吹雨不見人一夜啼痕綉叢竹

姑蘓曲

姑蘓城頭烏夜啼姑蘓臺上風淒七芙蓉露冷秋香
死美人夜泣雙蛾低銅龍咽寒更漏促手撥繁絃轉
紅玉鴛鴦飛去櫺廊空猶唱吳宮舊時曲吳山青青

吳殿荒麋鹿來遊春草長闔閭門戶東風起年七花落愁西子

白練帶詞

白練帶長且羨飛來青樹顛宛轉脩竹裏南園日暮無人來一雙下飲寒塘水

秋夜詞

林鳥夜啼金井西蟋蟀在戶聲相齊中天無雲白露下漸見梧桐青葉低幽閨此時愁獨曉蘭燈雙照蛾眉小歌聲恐逐迴風高掩抑冰絃破清悄弦中語七心自傷低頭却看明月光羅衣一夜惜顏色庭草明

日沾秋霜甘心霜下草秣在堦庭好不作白楊花飛飛洛陽道

紫騮馬

郎騎紫騮馬來向門前下馬尾捎赤雲銀鞍色相射願郎騎馬去復來珊瑚作鞭絲結韉縱令遠去玉關外千里應須一日迴

秋夜長

月出烏啼城上頭閨中美人含遠愁銀河迢七當北樓寒帷弄影揚清謳月光如水地上流珠箔微茫懸兩鈎羅衣半捲涼颼七起坐數盡寒更籌更籌數盡

明不發明日鏡中生白髮

長相思

長相思乃在青天之外碧海之湄我欲見之望不極
側身太息涕連沍昔與君別者驅車臨路岐車塵向
南起迴風吹滅之君行遙邈不可持含悲蓄憤鬱
其累七瞻彼出月弦望有時乃靡朝夕如渴如飢落
葉飄飄寧返枝東流之水無還期重華一去萬里絕
湘江秋竹何離七寧為懊惱曲莫奏長相思思長意
遠君不知妾心所陳多苦辭

荷葉黃

荷葉黃荷葉青四月五月風日清荷葉青荷葉黃八
月九月秋風涼越湖女兒顏似玉隔舫窺郎心眼熟
赤尾鯉魚花下遊白頭鴛鴦露中宿歡會苦乖絕歲
月同飛揚王母不西遊娥眉刷秋霜少年之樂七未
央莫遣老人徒悲傷獨不見荷葉黃

烏夜啼贈友人別

華燈張筵促弦急隔簾霜落風吹入琴中彈得烏夜
啼七聲夜寒高復低林鳥何來飛撥刺夜半啞七聲
不歇姑蘓城上拂黃雲銅雀枝邊繞明月行漸遠聲
漸稀揚絲各自東西飛東邊日中有伴侶看汝飛鳴

日邊去

長短句

漁樓辭

劉子過螺川聞有歌于澤中者異而聽之曰
此漁者也迹之不可得乃徧其音而節之為

漁樓辭

蒼林兮碧溪我漁兮我栖朝鳴榔于中澤兮夕余濟
于滢西波洄泐兮不可以倏迷路窈窕兮風淒兮反
予遵兮故溪雲鱗兮不可以躋漱白石兮藉芳蕙
悄空谷其無人兮見翩翩之鳧鷖志逸而嬉兮得喪
以齊綸不必施兮彼笈笈又馬足齋樂哉洋洋兮吾
烏知爾之為鱗鱗為鯨鯢

劉槎翁先生詩選卷之一終

嗣孫養性

道卿編次

劉槎翁先生詩選卷之一

四言古詩

題唐子華江居平遠圖

宛其長洲在彼中流上列灌木旁引高丘彼君子居
 于林之右言敞東軒緬覲平岫盤石在渚叢蔭在門
 有風夏涼維日冬溫豈無方舟可以遊釣言曳其杖
 於焉遐眺油油行雲靡靡逝波歲既晏矣云如之何
 鳥鳴于谷魚麗于留君子之居君子之友

題寧都州學圖

同夫鄭君修郡庠之禮殿垂成而代去其友

人唐旂王禮田觀鄭鼎俱君之去此無以慰
其思而繫斯情也乃命繪工圖其新廟併肖
其環州山水之勝以贈君於是南平劉崧敬
贊于圖之右隅以申羨之

出自西門至于泮宮我游伊何以觀民風乃觀新殿
翼翼崇崇伊誰脩之維鄭之功鄭其戾止弁巾依依
爰率童冠以詠以游屬茲暮春言眺中州懷當以歌
企彼前脩何以樂此薄寫我心濯纓于泉援琴于林
求我良友言陟雲岑苒苒雲木交交鳴禽山則有石
川則有波君子維教乃切乃磋翩其白駒越于澗阿

逝將去此憂如之何日月于邁山川逶迤懷君之來
方何為期爰繪于圖亦頌以詩歸言觀之式慰尔思

題蘭

山則有石谷則有蘭我思美人茲之永嘆
奕奕翠羽翹翹紫蕤何以求之山阿水涯
迴風猗猗白石鴛鴦山中無人念此芳艸
深林之幽式聞其香安得佩之蓉裾芟裳

書帶軒詩為鄭同夫賦

讀書何所西山之陽崇軒朝躋其雲蒼蒼有艸有草
垂帶而厲匪伊垂之君子所蒞濯以甘雨揚之谷風

有蔚其苗則靡所同人亦有言匪非匪殪不有君子
孰曰書帶在昔孔聖仰鑽庖羲或韋其編亦三絕之
我樂我書爰啟其紐我其藏之或繫于肘相彼良苗
亦綿其蔭譬之樹蘭毋混彼艾蕭我思不其山名遠
而莫至宜尔孫子是是有是似尚勿翦薙之以蕃厥世

七噫歌

昔梁鴻由灞陵山出關過京師傷漢室之亂
作五噫歌西昌予父母國也一旦掩覆於鄰
搆殘毒甚矣是日子從水東登高丘望子弟
不見因增其辭賦七噫以抒其悲憤且以竊

附於昔人遺意云

陟彼高丘言望新城烟焰勃烈金鐵鏘鳴噫豺虎狂
狂啗人肝腦陰風薄雲僵尸橫道噫彼奔曷從楫人
相仇牽衣蹈河骨肉漂流噫負載橐囊牛羊交馳號
哭振野俘係累累噫孰繁生息而玩歛虞城壘葺矣
而無人乎噫曰予有弟孰往訊旃河不可馮淚下如
泉噫白日下照幽幽其光孰訢上天尔民卒瘁噫

南門司柝詩贈玉珊克温

鳴柝何所南門之下孰其司之肅肅有儀出日自東
我柝既閒行道憧憧我闕我闕日之既夕行道滌滌

我時其閉我柝載擊柝聲揚揚萬夫之防一息弗戒
予職之荒相彼高車其祿有餘慮殫力勩憂患是居
我司我柝是力是度貧卑之居君子之樂古之抱關
亦有晨門勿果忘哉敬尔司存

題山雲居圖為樊都事仲郭賦

我居何所南山之下油_匕者雲窈窈其阻衡門在阿
翳彼嘉林上有鳴鳥懷之好音良晨載興游睇川沚
榛溪邈綿有客戾止琴瑟在庭清樽載羅掃地布席
援絃咏歌我歌我酌白雲在谷聊可為娛孰云不足
雲之升矣風或颺之曾于是處而忘世為淒其滄矣

雨亦濡只群生烝_匕澤施曷已雲歛而舒山高以深
彼君子兮悠_匕我心

五言古詩

春日出郊和楊公榮

閒居惜陽麗延睇川原平憂端不自理濁慮何由澄
怡怡惠風暢杲杲旭日明長懷杖杜嘆永晷伐木情
頽影褰我裳沉吟撫我楹林暄好鳥和日暮浮雲生
蚤傷離索居矧復世患嬰素心在遠道何以遺芳馨
仄聞集群彥近作南郊行攄懷屬觚翰結歡逾弟兄
委珮鳴雙璫輕裘粲三英意氣重許與片言山嶽傾

寒獨苦局促不得聆清評寧逐車底塵不隨水中萍
末途及攀援終焉策華名弃繻去吳楚驅馬邁幽并
所渝同心者誓此白水盟

古詩五章奉寄徐南卿鄒致和二賢良

其一

涼風吹庭樹撼撼鳴未已中宵起彷徨所思在君子
君子昔言別二月柳始青柳今成枯枝白露泫以零
合并良獨難日月行當晚自非木石心誰得不懷遠

其二

携書出重門擬寄南飛翼書中有深情不道長相憶

相憶不相見思攀芳桂枝人言道路遠持此將安之
豈無清夜夢東渡章江水水深愁復迷一夕思千里

其三

江千秋氣高木落帝子渚永懷群彥集清景契晤語
山南與山北樂子豈無所浮雲日暮合羗獨久延佇
翩翩雙黃鵠千里奮一舉勿以遐我心而多憚脩阻

其四

長林何逶迤下蔭清溪流芳茗戒墜露黃鳥復鳴秋
遠色正蒼蒼衆木一何稠星垂水面白雲落岩口幽
思得良友晤可以汎方舟

其五

巒巒山陰竹結根廣庭阿密雪掩茂葉微風振纖柯
秀色正周列繁陰亦旁羅君子抱幽素終然葆真和
熒熒澗底花靡靡園中莎及時詎不禁晏歲當如何
步虛擬詞贈紫陽蕭煉師

璿宮霽景澄彤墀綠雲上星聯黃姑渚露下仙人掌
金文乍歲蕤羽翻亦森爽翠林閃霞光丹壑流清響
冥觀群動根大化何漭漭飛步凌紫清玄幽契遐想
次王子啓夜坐懷曠伯達

褰帷惜良夜起坐臨清池窈窕月奩合逶迤雲珮垂

虫響初寒候烏啼欲曙時况復念良友遲回勞所思

桃源

青林被重岡蒼石立絕磴冥冥松風迴高蔓弱可縮
驅車鶴顙下沮洳濕危棧微茫烟霞集披靡杉筠間
高秋灝氣豁秀色紛屬眇芸芸澗續子涉水恒及鼯
山女行負薪結髮垂兩州年豐稔稻足食粗芻與豢
呼吏不及門征租少稽慢銀坑重茶賦徃徃先月辦
緣山八九家火耕習薊鏟土屋桑樹高雞鳴日方晏
清霜落原菽夕露沾畦莧吁嗟避秦人歷世乃多患
豈知太平俗鎧甲未嘗擯永宜曠士懷樂此謝游宦

種桃實吾事荷耒乃不慣窮源愁日暮流水方汕汕
嘆息行險艱南雲送涼鴈

蠶尖

日出西顛赤鳴禽度高柵稍陟衣帶顛東尖屹危叅
側身忽旁斷擬步若幽探勃勃草木霏高下皆浮嵐
巨石當橫途始復一解驂崖古樹根瘦谷深人語含
石角利攢劍遠山突措簪何姑騎白鹿綠髮長鬢鬢
坐令婦女輩奔走祈春蠶千崖動合沓秋色晚正酣
駕鸞飛益高剛風迴東南我行蒙醫中胃刺寧所堪
山水能媚人夙性所樂耽奚能戀文字局促如餒蟬

曠茲登覽際躑躅忘憂恢振衣復少憇歷險不敢貪
片雲觸石起流澤思遠覃惜無晨風翼照影雙溪潭

苦熱

高館悶煩歎感感思一騁兼定風乍稀蟬鳴晝方永
西偏梧桐樹踈薄不布影移牀坐嘆息仰見綉谷嶺
汗滋苦流踝髮短壓垂領黃葛秋未成烏帽時一整
遐思翠竹林下蔭青苔井修綆絡銅鉞時來漱清冷

衣帶顛

朝辭桃源溪暮宿衣帶顛心同秋水淨思與群山水
白雲松際來日入雞犬靜苔蘚依古垣薜蘿罨深井

天清露氣肅衣袂忽已冷明晨當遠發我駕思夙整
西上挹高霞蠶尖縱幽騁

登三顧山次王子戡

聞子避地日南登三顧峯長吟白雲裏咲拂青芙蓉
芙蓉何亭亭秀色相倚疊仙人坐中頂氣與元始接
俯眎白下城纍然若蓬丘淦水不可涉西山焉得游
誰能擁長篲蜂蟻螿一掃莫遣秋風塵驚飛汚瑤艸
瑤草淒以綠繁華誰敢爭永懷東海客身隱揚令名
拂衣本餘事終亦戀冀闕獻納倘未酬從君卧蘿月

遠遊篇為黃子邕賦

聞君有遠遊請賦遠遊篇上陳道里遙下感時序遷
茫茫九州外歷歷秦漢前山行豈無車水汎亦有舡
豺虎忽縱橫蛟龍方糾纏井邑化為灰墟里但荒烟
人生非鴻鵠何以周八埏君行勿踟躕惜此全盛年
寶劍珠玉匣結駟青連錢談辨三軍帳笑歌五侯筵
會合鄙毛遂功成羞魯連落日臨廣陌迴風激繁絃
此別誠艱虞恐為離緒牽不見里巷兒封侯起關邊
毋為北郭叟白首事太玄

題高人汎舟圖為鐵柱左煉師賦

刺篙度迴渚解帶會微風仰視青天高浩歌秋水

滄江渺空碧嘉樹發霜紅玄境有至樂伊人若鳧翁
遐思青玉珮應過紫霞宮

過南川訪友同王子與羅子理分韻得滿字

連阜衍平皋深林閔虛館揚襟暢遐思散帙延清款
溪萼花纂纂田黍實纂上迳迴阡彌永水落澗初滿
載欣秋稼登矧愜人事罕欲徃悲曠途言歸理脩疇
貧居二首

種瓜苦不實開艸各已花抱鋤恐朝飢對之以長嗟
蓬門晝長掩游釜亦有蝸破屋乃無茆雨來安可遮
聊持手中卷展玩至日斜榮枯與得喪來徃寧有涯

悠然達其會憂戚焉能加

種麥在高丘丘長草生滿秋餘乃無雨秀色遂枯短
朝行壟間蹊暮息林下曠荷鋤待春風時至諒不遠
東鄰桃李花終歲實纂上生理寧獨艱如何樂踈散
尋雲陟累榭送嚴子善之上猶

尋雲陟累榭遐覽以舒憂晶晶天宇清轟轟欄楹幽
靜賞撫危構浩歌睇崇丘君子有遠行佳期誰與儔
餞言以遵路延佇更臨流

述懷

我有二畝田力薄耕不勝分田籍農父所冀得斗升

豐年本狼藉薄俗乃侵陵一日凶旱來顆粒遂不登
我廩既莫寔公租方急徵嘆息謝農父此豈人所能
天時一何常盈歎古相乘寧受歛者嗔毋為貧者憎
歲暮南歸留別蕭翀諸友
旅寐不能旦披衣坐床帷屋角曉色動鳥鳴已多時
起坐出庭際雲物正華滋殘雪未盡消群山鬱參差
即此念故園焉得不懷思豈曰無尊酒足以懽相持
矧屬歲運周返駕固其宜理策望前路揖君從此辭
窮簷有稚子但訝歸來遲

辛丑正月二十二日述志

經年掩扉卧迹與城市遙誰為拔如意乃以仕見招
本昧平生素敢勞中道要公檄臨我門戒命在夕朝
九江今雄州邁往方迢迢有毋誰與居念之中心焦
起揖謝來客我何希市朝澹然一室內燕坐風寥寥
登北岩眺望因投巨石宛轉為戲

自愛北岩秀綠雲窮翠微迴見大江流獨立一振衣
崖表人迹絕燒餘寒草稀繞澗聆暗泉攀蘿憇危磯
投石轉陰壑霆擊星火飛竒探恣游衍興愜忘嶮崎
日暝思更尋逍遙望月歸

遊三華山

龍門兩峰負一水下迴繞蒼峽忽中開飛橋出林杪
盤盤石磴引羃々松林宵危欄正西挂層閣復東縈
樹暗盡含雲花明忽聞鳥懸崖旁架棧鑿石潛通突
早聞三仙人栖化迹已杳常疑雲月上顏色靚清皎
丹井舊時深朝真亂來少荒壇翳霜兼虛館悶叢篠
凝神觀衆妙屏迹謝群擾懷賢既重憇振翼思遠矯
佳境能娛人何因致清醪

陪陳尹飲江上雨過夜歸明日賦此

渡江雲斷橋把酒風振袂芳園遂幽尋良友適遠至
諧談且云懽酬勸忽已醉一雨洗塵襟千山拂涼翠

柘林既迴薄蘭渚復延企月轉城東門蕭蕭送歸騎
宿沓壠東胡故蕭神鍾祥

夜宿沓壠西衡郊蔭平麓起視虎鼻峰岩峴月中綠
懸岩引列宿積水帶橫陸山鳥時一鳴迴風應虛谷
庭寒翳華燈露下響叢竹朋情遂歡洽世事傷否感
清游契寤寐往事成昔宿北岩有竒石東園饒佳木
明當扣蘿扃振舄騁遐矚復恐驚塵飛幽栖未能卜

寄題金精山凌雲亭為王太守賦

仙女謝塵匹歎歌雲霧間一朝乘雲去笙鶴渺空山
山山翠石盤澗々飛泉響誰鑿洞門開峰前見仙掌

虛圓若剖瓜中抱玉清家秋風石岩頂吹下碧桃花
桃花不到地化作雲飛去紫殿十二重重上映琪樹
太守騎馬來解鞍憇青屏馮虛斲山翠特起凌雲亭
亭中秋氣高濯雪嗽丹井遙空明月上欸見孤鸞影
露下白石床滿林金橘香綠髮垂千丈祇今餘幾長
憶同姜煉師載酒上雲攜手把女蘿衣題名向東壁
仙人久相待重往當何時為君掃苔石更寫凌雲詩
丙午二月一日同仲弟子彥道士陳允寧遊金
華諸峰

華諸峰

早抱林壑想而多嬰垢氛閑來武山下高挹金華雲
層岡既龍蟠斷壠復瓜分一嶺忽岩峴千岩盡繽紛
維時二月初淑氣澄氤氳江上日華動空中仙語聞
樓臺映海色泉石超人群風含青松響雨蒸赤霞文
撫我芳桂枝兼把芙蓉裙願徒廣成子再拜浮丘君
俯眎塵濁區擾擾蚋與蚊高風激六合逝此揚清芬

感舊

我里經喪亂親故存者稀昨來尋舊溪徑路各已分
石底榻枯井草間遺敗扉因仍十載餘蕩覆兵與飢
但聞相攜去不見一人歸寒日下荒原山水澹不輝
往事焉得詰泪下忽沾衣獨尋古道還時逢山鳥飛

贈子元龍貢士別併東劉雲章

畸人昧達識閑居恤良時感我平生友賁然發幽思
昔別愴徂冬茲來遂前期交交中林鳥濯濯垂柳枝
光儀蔚以都流響一何悲運移惕羊邁契合欣道夷
豈曰鬱冲抱寫之在相知誰為緇磷尤式秉金玉資
苦志諒所存高風寧獨隳執手不忍別揚塵正交岐
岩構足自栖食場焉可維大江抱群山流波浩東馳
曠野日載陽微陰復凝滋人生有顯晦寧受外物移
寄言謝同志永以慎於斯

秋興四首

其一

中夜畏煩促起坐愛涼風明月在東壁流輝當井桐
翩翩林鳥翔喔喔鄰雞起感時不復寐短髮聊自理

其二

韶華不再返春去夏亦徂玄鳥逝安之草木浩欲枯
風高豺狼橫日入禽鳥呼獨有一尊酒空山誰與娛

其三

秋至倏十日客歸定何時傷哉搖落風已復鳴高枝
海水不識寒穴居乃知雨觸事苦遲徊憂端共誰語

其四

少小事文翰結交盡時髦浮雲一飄散寂寂淪江臯
存沒今則殊寵辱乃所遭誰能返初服永以善自韜

挽楊子將因亂客袁州後暫還鄉復往寓所而卒

昔歸已傷遲再往乃不返雲萍忽散迹玉樹猶在眼
高堂念夙昔群季軋歌筦嘉穀森特苑華星粲孤皖
淒淒去干戈宵亡隔丘坂至今念行李何日候還輶
寡妻負孩稚弱弟拾遺簡獨不見斯人誰能不悲潛

題春山樓觀圖

川光媚春陽岩溜含夕響林花間欲飛江草晴方長

迢遞樓觀陰峰迴見仙掌

題筠軒

脩竹夏向深層軒晝逾靜沉沉幽蔭交洒洒衆綠淨
微風枕簟入落日琴尊盃攬枝發清嘯撫節延孤咏
悵望生夕霏幽期在蘿迳

題蘭雪齋

陰岩凍欲斂芳穎寒初破迴風汎纖綠時見白粉墮
援琴不復鼓委佩空沉吟掇此花上雪比君塵外心

和荅曾同升見語

其一

公崖入深谷群木羅秋陰泉響一何幽岩栖有鳴琴
已欣人蹟遙怕恐塵慮侵願持白雲操一寫高世心

其二

驂馱輒鹽車局促上峻坂長鳴悲風生惜此白日晚
時哉一縱轡造父未能挽蕩_七軼浮埃天門望中遠
凶年民有棄子於江者詩以寄哀

骨肉豈不親無食難為息抱子棄水中哭聲吐復吞
母餒骨髓枯兒餒眼眵出終然兩存難何以共憂恤
歲月不相貸恩愛從此分我死尚可忍兒啼那復聞
兒啼那復聞江水流浩浩不忍回視之嗚悲入秋草

送孫景賢歸江東

客有敬亭思春愁何渺然謝公樓前月已照江西舩
舩頭花亂飛醺酒發鳴鼓四顧不成惟悲歌淚如雨
壯遊南海上曾着從事衫驄馬青連錢馳突開峻岩
南歸阻寇亂寄食贛江側多謝尚書公看客好顏色
高筵列綺饌賓客如流雲舞劍萬人卻談兵四座聞
年華逐流水五見楊柳綠夜夜夢故山浮雲滿岩曲
茲行未可住却望江東還人散井邑空鳥啼烟樹間
殷勤候高堂次第訪鄰里山栗與木瓜離離照烟紫
放舩弄明月躡屐凌紫微春風久相待吹老薜蘿衣

南平三月暮惆悵忽成別把臂重論心知君有奇節
東遊我所願遠作秋風期却携采石酒高詠敬亭詩

避寇宿嶺下田家

壤上忽超顛冥上遂投村不知來遠近但見行者奔
風起草木動牛鳴人語喧妻子踟道隅淚下聲吐吞
老翁墻頭看為我啟重門掬泉沃煩熱坐我林竹根
稍覺顏色定豈知心魂翻茲行寔倉卒感君言顛温
平生親與友此日焉足論

過周宜冲林居

幽人繫遐思散策欣往即圳南秋水落行踏澗中石

離離數青松遠蔭林下宅落日在柴門清風滿蒲席

送謝君壽歸豫章

謝君芝蘭秀玉立含春温昨從鐘林來過我江上軒
臨流一解佩坐石倒芳樽時序浩若流霜露忽已繁
悵然念歸路孤鴈同翩翩城西昔栖隱舊宅今不存
採藥度沙嶼懸壺當市門隔水望西山翠屏矗雲根
逝此安可覲清風懷笑言

題山水畫

群峰矗青屏邀在雲霧中逶迤臨廣川杳矯凌高空
太陽燁朝升霞彩爛青紅草木石上生流淙挂寒虹

蟹林先生言選卷之十一
突若汎水鰲背負蓬萊宮我欲登覽之雲深路難通
恍然對圖畫思訪商山翁躡屐行紫苔艤船並青楓
憑高思無極引咏送飛鴻

夏日同歐陽仲元羅子理鄧崇志會飲林屋得

紫字

幽居帶林臯烟草共墟里兩日不相承鳥啼春竹紫
川平雨初集日落風更起悵望城市遙青山隔流水
六月晦日山下觀稼歸

東日出未熹我興事晨稼莽已逾廣阡悠已至山下
良苗各已寔載獲紛擺耜流泉蔭餘畝束穉歸南舍

柴門日向夕鳥雀喧已罷老翁携壺至言咲相慰藉
春作幸有成明當戒秋社

題錢氏貞節堂

織素傷斷絲汲井傷短綆百年不偕待逝者悲耿耿
空閨凝芳塵白日驚寒景獨携嫁時鏡坐照孤鸞影
孤鸞鏡中老雛鳳方和吟何以慰毋勤山海匪高深
蒼七千古石爛七百煉金惟應諸源水鑒此貞節心
早行霧中過田家失道

我行烟霧中不復辨原陸幽七聞雞犬隱隱見松竹
田家迷遠近阪路有崎曲已覺瞻望勞誰云徃來熟

舍弟往三坳嶺尋鱗子日夕未歸坐候林下
西林已雞栖北澗復虫響沉々四山瞑寥々一星上
時危劇鍾情期逝勞紆想悵立此溪陰欲休未能往
題吳氏宗夏所作秋林高館圖
江臯秋氣澄林屋帶幽夔霜餘群木斂日落衆山靜
妝匕舟泛葉湛匕水涵鏡歸鳥愁暝啼飛鴻淡遙映
市朝從茲遠輪鞅焉得競釣懷渭濱叟耕憶谷口鄭
彼美孰與期援琴發孤咏

江干草居

江干悵幽屏草廡亦常閑晚途斷歸人虛市見寒山

林木變冬候繁綠忽已殷鳴鳥相因依孤雲時去還
唐虞既云遠慨此時獨艱四躰豈不勤我髮日已班
翔遊千載上偃仰一室間樂詠古人書庶幾無覲顏

戲題訪戴園

大雪滿天地高興何悠哉終然不相見獨棹月中回
人言越溪春酒熟山花開此時風日好何事不能來

田父邀嘗酒感賦

客有携壺來酌我盈觴酒自云秋糯熟醞釀滿盆在
莫嫌山野俗盤饌本無有園蔬襍蒸茷甘脆幸可口
喪亂二十年蓬蒿徧田畝誰能厭糟糠何意問升斗

我時適歸田枯腹餘皓首感此慰勞勤比酒覺逾厚
陶然就徑醉高卧北窓晝門外清風來颯然在高柳
晚出登前岡候王徵君不至

出門候親知引望忻往即崇林既前登脩坂亦屢陟
浮雲正東馳餘景忽西匿漠漠烟散霏稍已昏向極
駟車來何遲遠近誰與測行非多岐累鞅豈中道息
幽期寧獨遠冲想竟難抑欲留感淒冥更往念艱棘
簪盍諒勿疑憂紛已盈臆鴻彼載之來何日倩飛翼
和龔蕭國錄八月十一夜對月有懷之作

林塘澹清華庭宇豁虛朗露井波澄輝風林葉交鄉

高言倡令德孤吟振遐想亭上江上月肅上雲鴈往
羨人浩前期令節延遠望池魚既堪綸旨酒亦可釀
永懷契天游庶以會心賞宇宙本達觀如何較銖兩
送樓徵士叔真歸金華曾侍郎邀賦

祖帳出都門鴉啼掖垣曙春從天上歸人望山中去
離亭烟柳變極浦風帆暮亦欲把蘿衣空傷別瓊樹
蘭雪軒詩

聞君好幽蘭羅植層軒陰青上在人境意不殊深林
光風澹容與拂披動忡襟佳時聿云邁衆卉忽消沉
重陰既凌厲凜冽乃見侵念尔宛自持將上式如金

登樓翁先生詩選 卷之二 十一
亮不渝芳潔芳潔良可謨願掇花上雪比君塵外心

布履篇答舍弟

季有雙布履携来自家鄉見兄赤兩足奉以慰踉蹌
此履豈有華素質而白章縫紉出新製絢綦已莫詳
念茲苦寒地九月露成霜上馬攬弊裘入室坐匡床
誰為手足念寒瘕驚動勸一朝被溫柔步履便且庶
足受慙黃石踵決謝卜商不忍踐荒穢恐為明潔傷
俯眎物有類愴然感中腸冠綫既成西鳧舄亦雙翔
如何弟與兄闊別遙相望

題陳原初掾郎所藏古澗幽人圖

端居謝塵鞅濯足行澗湄青山既盤紆流水亦逶迤
四顧何寥々林陰亦紛披乍興舞雩咏亦軫濠梁思
仰觀浮雲翔俯挹祥飈吹春意屬駘蕩我心方憚夷
永言觀象妙庶以靜者期

自述

叨祿向六載北遊且三秋臬司謬所寄官服當何酬
明々日月行滔々江漢流孰云倖所致良以遠見收
有覲吹竽濫徒勞負山憂秉志誓金矢持身期玉甌
柰何歲年邁鬢雪忽已稠勉策疲鈍資悠哉企前修

夜坐

閉門鼓初斷振鐸兵已邏風高群鳥號月黑一犬卧
命罇乍舒懷抽牘更娛坐稍亡空葉飛庭虛覺霜墮

嗣孫養性

道卿編次

詩選卷之二終

劉槎翁先生詩選卷之三

七言古詩

奉題朱知事雲樵圖

使君昔隱瀟川曲慣逐山樵伐雲木一從去作憲慕
賓長憶瀟川好林谷瀟川之東山插天中有冶及何
嶰然寒光夜接九華雪秀色日射峨眉烟褚君妙筆
世稀有為寫茲圖傳不朽山氣清含五粒松江光綠
漫三春柳長裾曳杖為何人從以樵斧方逡巡層峰
正隔秋浦水仙境似與柯山鄰山迴峰轉愁欲暮斲
藥携琴更深去林路時衝虎豹過湍崖暗激蛟龍怒

此圖此景何清竒疑是當年親見之採芝南嶺去已
遠濯足東澗來何遲只今却上青霄立斬伐芟夷乃
其臧卷曲宜刊惡木枝喬脩要簡良材植人生窮達
焉可期雲中樵者非君誰會嵇太守自結駟王屋山
人方看棋功名時來信所遇伐木丁丁為君賦他年
持斧綉衣行還憶瀟川卧雲處

秋夜南溪席上聽鄔和卿胡琴歌時和卿留袁

城將歸西昌

空山無雲風葉靜酒行高堂燭垂燼鄔郎起控二絃
琴一曲新聲發孤咏冷冷滴七絃初調欲語乍吞聲

忽飄龍頭宛曲轉秋玉馬尾振蕩迴春嬌縈紆徃復
騰嫋七宮換商移破清悄綵鸞咲侶出花間斷鴈呼
群入雲杪滿堂賓客慘不譁側耳如到仙人家乃知
胡中歌勅勅不獨馬上傳琵琶我從徃年客燕薊羌
笛戎歌亂人意歸來華髮映清樽坐感商音一流涕
鄔郎好手早得名豈可久滯宜陽城太常此去徵絕
藝會奏法曲升天行

題秋江待渡圖為蕭學士賦

小航衝風岸將及行人下馬沙頭立水闊雲深野渡
閒天寒日暮歸心急人生行役安可休到江路盡還

通舟誰能裹足山中老不識風波一日愁

和子與王徵君中秋短歌一首

玉繩差七月澄曙銀漢西流天盡處晃朗驚浮玉井
蓮空明似見婆娑樹澄曙光連宿鷺翻闕山影逐行
人去誰似溪頭王子猷一庭竹色耽吟趣

題堵炳所畫扇面山水為李鴻漸賦

紫崖碧嶂連雲樹白石青莎並江路采樵客去洞門
深出郭人歸烟水暮兩崖之間高且虛有亭翼然誰
所居山花當戶可載酒芳草滿庭宜讀書

題松下丈人圖

丹崖白石之間有松屹立當林關伊誰盤礴坐其下
矯首似看雲中山白雲自飛山自遠神氣冲逸清而
閒自非服鍊不老藥安得有此冰玉之芳顏石門蒼
蒼閱烟霧東風開遍桃花樹花底相尋定何處兔絲
百尺空中舉松根茯苓應可煮就君却向山中住

題崑丘山水圖為李德昌賦

姑蘇好山名崑丘玉作芙蓉凌九秋至今瑤氣伏光
彩白石磊砢皆琳球問君何年宅其下桂館茅堂極
瀟洒籬月當窓爛不收松風掃屋聲如瀉山林真樂
安可忘時援綠綺歌清商自来南京直大省長對新

蜀校翁先生詩選 卷之三
圖懷故鄉圖中雲壑更窈窕雙塔參差出林杪花開
何處望長州日落遙空送飛鳥道逢兩翁如松喬我
欲從之安可招便當携酒上絕頂與子共看滄江潮
宮牆樹哀黃府史也壬辰之亂府史死廬陵郡
庠栢樹下事載劉永之所為傳府史之子載以
傳示余而其言甚悲因作宮牆樹以哀之
宮牆樹乃是青栢勁直由來氣拂雲堅剛况復心
如鐵枝間豈少王褒淚土中定有義弘血事往空遺
國士悲年深尚記鄉人說宮牆栢何青青千古萬古
遺精靈宮牆若傾栢樹折府君之名應不滅

題嵩高雲氣圖為工部王子邕賦

穎川陽城之間乃有雲氣鬱然而干天中峰拔地九
千丈三面側疊開青蓮云是嵩高之層巔捫柳掠井
當星躔往七白日朝群仙復有東西二石室洞穴窈
窕相鈎連天風吹雨不到地石髓如泥流紫烟但見
瑤林琪樹紛百千朱樓綺閣丹碧懸美人綠髮垂兩
肩手持玄文駕飛軒欲往從之嗟渺綿似聽流水瀟
瀟鳴絃絃仙遊杳漠今幾年清夢忽隨新圖前玉光
下起崕石底松頂上出飛鴻邊山中古路廣以平秦
車漢騎何翩翩徒聞金丹閔石檢塵土世人安得傳

漁家樂題漁樂圖為曾朝佐郎中賦

漁家樂舡裡為家無土着朝七日大江邊長汀短
汜從灣泊醉眠飽食托烟波却笑傍人事耕作月明
蓬上蘆花飛雨打舡頭楓葉落蘆花飛出水鰕魚秋
正肥侵晨相喚提網去薄暮放歌收釣歸夫妻白首
長相聚有脚何曾踏山路教兒打網莫種田長江有
水無荒年

題赤松山房歌為張思讓賦

吾間古有赤松子云是神農之雨師後來留侯從之
游汗漫恍惚安可期金華北山秀且竒或云仙人游

於斯盤雲捎霧幾千丈奔騰直下蘭江湄蘭江美人
暫而頽風骨不殊仙者姿時來山中攀桂枝架岩鑿
谷臨灣碕靈湫洞黑蟠蛟螭流水下注為淵池前開
層峰出渺瀰丹霞浴海騰金支雲中老仙方領頤手
携錦軸綠玉詞導以玉女載兩旗從東而來復西馳
欲近忽遠不可追千巖萬壑絕人跡但覺浩々天風
吹佇立却望成逶迤回身太息冥所思左引紫霞觴
右彈冰玉絲山空月白秋似水老鶴夜下要人騎問
茲山房誰所為留侯子孫非君誰只今從軍傷遠離
萬里幕府隨旌麾燕山馬上昨見之山水秀色浮脩

眉仙人之徒真不疑我慚漸老才力衰何以報尔游
仙詩南望武山胡不歸山下亦有金華祠聞君佳致
欲往隨便來南遊拂雲衣憇青蘿兮咏雙溪萬一赤
松尋不見從君先訪牧羊兒

三峰樵者歌為宗原張負外賦

若有樵者清且閒遊栖乃在三峰山雨餘濯足深澗
底日高伐木喬林間人生出處若雲變買臣會稽君
不見祇今懷綬作負郎却望三峰思故鄉

題劉一清清溪圖歌

我家昔住清溪曲五月柴門漾寒綠望仙門外石橋
灣百折蒼波轉林麓老藤脩竹翳兩涯茅屋高下連
垂麻江魚出躍青荇葉水禽啼上碧桃花悠悠三十
年來往別却清溪事遊蕩東園有客種狸瓜北渚何
人繫漁榜茲晨覽君圖畫工作者乃是清溪翁清溪
自住渝水上名稱偶尔能相同長汀短汊雲水絕
壁喬林澹霞綺烏鵲散漫夕陽邊樓閣依微空翠裡
伊誰手携九節筇從以童子囊孤桐至音雅調不易
識深山古木號天風我今欲歸耨得時時夢繞溪南
北釣槎歌石雨邊青菱角沉坭雨中黑問君何從得
此本強擬鄉園寄幽遜避名惟恐世人聞撫景應悲

歲華晚三山磯白鷺洲京國相逢俱勝遊請君更掉
酒百斛相與爛醉秦淮樓

題山水畫 堵文明

小山削玉搏空青大山錯綉開帷屏劃然千丈崖壁
立下有流水當高亭中幽人顏色好城市何年迹
如掃長江日落澹浮雲極浦春田滿芳草深林窈窕
仙路遙谷口雪明雙板橋便携綠玉上絕頂閒聽松
風吹洞簫

題堵郎中畫湘漢秋色圖

兵曹簿領困填委忽見雲山落塵几問君何意貌此

圖湘漢瀟灑秋色裡長峰巨壑相參差彷彿江行曾
見之雲中樹色三百里峽裡猿聲十二時古人今人
不相見江水依然淨如練魚鳧窈窕接山川雲雨荒
荒出臺殿岬迴路轉楓林青丹崖紺壁秋冥山童
出掃澗上葉客意已到松間亭登高望遠心獨苦江
闊霜清雁如雨九天飛瀑下香爐萬里歸帆到鸚鵡
我從前年来 帝京偶離疏屨峨冠纓故園耕釣歸
未得對此佳致空含情茅堂遠在珠林下安得從君
問圖寫九衢塵動五更風又趁雞鳴逐朝馬

題許霍州如圭所畫譽溪圖送張秉文徵士還

山中

許侯作畫如作字點綴清妍極風致此圖偶為張君
寫雪蚤參差出空翠張君於我同鄉人每對畫山情
更親就中大似爵譽景遙見武姥青嶙峋我欲披雲
捫絕頂手招陶皮漱丹井千年石室望來深六月松
風坐中冷山原草荒行者稀伊誰讀書方掩扉如此
林陰兩茅屋安得與子長相依禾溪向東石橋路猶
憶往年携酒處春風幾落杜鵑花歸夢微茫隔烟霧
許侯今在太行西君亦南還尋故棲卷圖相送一腸
斷烟柳滿河鶯亂啼

樵隱詩為北平檢校書吏朱廷玉賦

上虞朱郎美如玉昔隱負樵今食祿抽毫晨趨北省
署歸夢夜繞東山麓

朝廷徵賢曷治康岩穴搜剔無遺良雲山縱有千萬
疊似子風格何由藏垂綸鼓刀自前古功業終須致
圭組願君長憶負薪時莫羨輕肥忘勤苦

題竹石圖時省郎中堵君文明作石兵曹李君
克雋作竹共成一圖以歸于大叅唐君信二美
也予為之賦詩云

東吳妙手不可得省郎山石兵曹竹唐侯座上偶相

逢併寫秋光歸一幅叢篁擢玉分彎環恠石立鐵支
孱顏筆鋒揮霍斬絕外意匠回斡蒼茫間物情境態
精描貌紫蔓青苔見班駁鳳雛濯_匕散毛羽稚子差
差露頭角人生會遇安可常一時合景如干將千年
峴谷注明月九夏庭館寒飛霜唐侯特達叅朝政兩
君高致誰能並嗟哉竒絕真二難此石此竹誰當看

次周所安寄短歌

周郎春興醲如酒繞屋陂塘種楊柳憶曾相過賞東
風手引流霞斟北斗當時不省生遠愁花下起舞回
高秋長松挂月出石嶺清夜醉倒東溪頭別來幾度

秋風發却恠音書望中絕行人馬上念鄉關九月居
庸洒飛雪羨君一門如棣花石室舊藏書五車昨來
寄我三百字字墨矯_匕猶翻鴉我慚衰邁成漂泊釣
水耕山負前約山林嘯傲日方長慎勿白首悲馮唐
題晴峰雙澗圖寄故里劉存大秀才

一峰峻岩白雲中雙澗下出蟠西東湍撞石閉雷雷
激白日虛谷迴松風_匕聲浩洶泉聲合飛蔓_匕枝青
匪杳岩深路暗不逢人似有呼猿在相荅此圖此景
真絕竒彷彿夢中曾見之手招仙人赤松子照影太
乙蓮花池只今懷祿未能徃日日憑高增悵快故山

更在彭蠡外武姥仙壇儼相向仙壇樓閣開岩曉流
水百折通溪橋我家草堂小河口白沙翠竹寒蕭
瓜畦桑塢帶原陸五月柴門映江綠田翁稚子咲相
迎醉折山花唱村曲緬思此樂安得同苗里愁絕孤
飛鴻卷圖却寄山中客他日來尋黃綺公

寄題凌雲亭

吾鄉山水何處好石臺溪上桃源堡蘭陵公子氣凌
雲故結新亭傍林島亭前地勢深廻環落花細草晴
班匕垂楊盡拂烟際水好鳥啼破雲中山我昔東尋
雪山頂憶過溪南踏松影開軒酌我紫霞杯三日東
風吹不醒就中二老難弟兄階庭秀發皆璫瑛向非
前朝進士宅安得喬木排高閣仙壇峨匕峙亭左雲
氣飛來交四座月明吹笛泛靈槎定有仙人夜相過
人間車馬塵紛匕羨君清逸能起群題詩先寄亭中
友他日相携玩白雲

題錢舜舉凌波仙子圖

若有人兮美而鬢冠切雲兮衣翩翩粲然獨立青山
前褰裳流盼凝娟匕乘雲而行兮從風而旋態莊色
正合自然矯如翔鸞凌紫烟朗如明月行青天山之
石兮駢闐山之松兮連蜷下有瑤草紛交連素華綠

葉何羊匕不言不咲意已宣風骨乃是凌波仙金華
老人惜嬾嫖友于聯屬成三妍其來無方往無邊世
人不見將千年誰其盡者錢塘錢我歌欲繼湘江篇
張君好古宜珽旃此畫此歌毋浪傳

題摩癢散馬圖

駿馬玉削蹄八尺昂藏汗血姿星流電掣見精采鞭
勒不施誰許騎一朝貢入金門去五花屹立當前墀
珮以白玉珂被之黃金羈欲鳴不敢嘶欲進不敢馳
和鸞清道肅羽儀中官執鞚調御之君不見南山楸
櫪大十圍節目皴作蛟鬣皮六月其下陰凄匕風鬃

霧鬣相紛披還憶閒來摩癢時

日落西行

日西落月東生烏鴉繞天飛且鳴鴉飛來宿府中樹
府官坐衙未歸去莫歸獨宿公房西柰尔啞匕中夜
啼五更鴉鳴月未墮披衣又向衙中坐

聞山西楊使君孟載作霽雪軒於公署之東慨
想高致兼懷舊別因風叙情有作奉寄

使君清嚴重風紀名是東吳舊才子前年持節太行
西霆激霜飛二千里憶昔京闕初相逢承

詔作樂調笙鏞彤闈椿樹集鸞鳳畫省秋水開芙蓉

江西徵還入司馬天上兵曹動聲價明光曉入奏封
章日射金筮露如瀉是時我從燕薊來下馬重逢心
眼開龍江風雨催去掉不得傾倒黃金壘驅車復渡
黃河北故舊飄零悲惻七知君十月向并州長日看
雲望山色陳昂作者來汾河錦軸遠傳佳製多橫江
醉騎白鶴下愛爾黃鶴樓前歌古來富貴同湮泯老
去才華眼中盡當家詞翰真不群風雅孤騫見秋隼
北平九月霜草黃大風吹沙人馬僵臺前古栢八九
樹烏鳥日夕爭喧翔聞君官居最清絕掃地開軒題
霽雪一簾芳草凝清香四座光輝攬明月

花開

應復春何因對酒咏清新山陰夜半遙相憶愁絕扁
舟乘興人

題秋色平遠圖贈王孟謙歸四明

我家住在澄江畔村北村南去山遠春風桑柘連麥
畦秋雨菰蒲隔松坂幾回欲起看山樓未成忽作神
京遊至今夢落珠浦曲如見秀色天中浮昨來驅馬
趨燕北霜草風沙摠悽惻汪郎為寫平遠圖恍似江
南帶秋色橫坡斷岬相灣碕危石臨水如蹲犀松陰
二客茅屋底無乃相對方吟詩我欲呼之從此起便
踏漁舟弄烟水月明吹簫下平川卧看青天千萬里

情不得遂將柰何忽復秋霜雙髻皤歸田已知生計
晚濫祿頗覺憂虞多君歸四明滄海上惜別臨圖倍
惆悵他年載酒看荷花賀鑑湖邊定相訪

壽陽呂性之孝謹人也以父母蚤喪莫報之德
每旦焚香汲井拜獻于露盃之上一日日出汲獲
三魚于井中衆咸異之以為孝感云其子繼道
由太常卿為北平僉憲為予道其事因賦短句
以紀之

前人鑿井後人汲一壺下汲三魚入泣竹常疑地有
靈奉親已恨時無及呂翁誠孝天所省異事流傳徧
淮穎至今父老壽陽城指點高門說遺井翁今跨鶴
遊仙都子亦攀龍翔九衢祥開兆應良有以看取玉
帶懸金魚

劉槎翁先生詩選卷之三終

嗣孫養性

道卿編次